

من خلف الباب اسمع تنعي كسروا ضلعي كسروا ضلعي

يا زهرا ... يا زهرا.... يا زهرا

من (مواريث النبوه) أجروح فاطم
وكل جرح يحچي عن اهموم ومظالم
حزن (يعقوب) اللي بيها سيله عارم
وما تجف دمعتهها من غاصب ولاطم

و(القميص) أعظم دليل وحمرة الدم الـ يسيل
منجرح صدر الوديعه أبجور غاشم

ومدميه عيون البضعه أتلوح هالظمة أشسوت بيها اجروح؟!!

عليها الغدر چم تجرّي
يا زهرا ... يا زهرا.... يا زهرا

مو ضلوع مكسّره من صاير الباب
هذي (آيات النبوه) اليوم تنصاب
ومو جنين الزهره هاللي فوگ لعتاب
هذا (دين المصطفى) داسوه لصحاب

وهذا مو دم الـ طفل (كوثر الجنّة) يهل
فوگ أعتاب الـ بتولـه ينزف أصواب

موجوعه وتكتم ونتها بيديها أداري صفتها

كلبها من الهـم تفرّي
يا زهرا ... يا زهرا.... يا زهرا

* * * *

نار (إبراهيم) بزده أوي سلامه
وانته نارك روعت كلب اليتامي
على باب الله الحطب يشعل ضرامه
وتنشب بصدر الهدى أعظم ظلامه

تكرر الذكر المجيد وما تهاب أمن الوعيد

نار تتسجر إذا جت القيامة

خصمك طه بيوم المحشر متكلي بشنهو تتعذر

بفضايلها يا طاغي أدري
يا زهرا ... يا زهرا... يا زهرا

* * * *

ويا صبر (أيوب) تتحمل صبرها
وانته تنظر يهتك الغادر سترها
دار املاك السما بهيبه تمرها
والكغضت في رحبته زهرة عمرها

ويا عظم قولة (وإن) أعليها ما يزنهم وزن

والله ما يحصي الزمن چايد أمرها

ما ظلت حُرمة ولا حِشمة من حركوا أبواب الرّحمة

أو گامت مصايبنا تثرى
يا زهرا ... يا زهرا... يا زهرا

* * * *

(موسى) يرحل عن أدياره بليل خايف
وانتي نعشج بالمسا بالسكته طاييف
يسري لا تهايل ونسمع صوت هاتف
والمرارة ترتسم بين الشفايف

نعش يسري في الظلام فوگ أكتاف الإمام
واليتمى تنظره ومدمعها نازف

مكتومه الأته والونه بس دمه وتهمي بالوجنه

بضمايرها تتلوى حسره
يا زهرا ... يا زهرا... يا زهرا

* * * *